

Br.: Sarajewo-ÖB/KULT/0250/2019

Datum: 21.11.2019.

Predmet: Ljetna škola Univerziteta u Beču - „univie: summer school for International and European Studies 2020“

Prilog (1)

Poštovani/poštovana,

Austrijska ambasada Sarajevo Vam sa zadovoljstvom skreće pažnju na Ljetnu školu Univerziteta u Beču pod nazivom „**univie: summer school for International and European Studies 2020**“, koja je namijenjena akademikima i studentima iz cijelog svijeta. Ljetna škola se održava u austrijskom Stroblu (Strobl am Wolfgangsee) od 18. jula do 15. avgusta 2020. godine.

Četverosedmični program ljetne škole obuhvata kurseve iz oblasti evropskih studija i predavanja akademije Austrian Arbitration Academy u prijepodnevnim satima, a u poslijepodnevnim satima su predviđeni kursevi njemačkog jezika. Kursevi iz oblasti evropskih studija su na engleskom jeziku i tematiziraju političke, ekonomske, pravne, historijske i kulturne aspekte razvoja Evrope i Evropske unije. Austrian Arbitration Academy tematizira međunarodno rješavanje sporova pred arbitražnim sudovima.

Ponuda ljetne škole je zbog svog internacionalnog i interdisciplinarnog karaktera interesantna za studente svih studijskih smjerova, ali je posebno interesantna za studente, koji se u sklopu svog studija bave slijedećim oblastima: evropske studije, političke nauke, pravo (međunarodno i evropsko pravo), ekonomija, historija, kulturne studije, međunarodni odnosi, interdisciplinarne studije i njemački jezik.

U prilogu Vam dostavljamo informativnu brošuru o ljetnoj školi. Za dodatne informacije molimo posjetite web stranicu <http://shs.univie.ac.at> ili kontaktirajte koordinatoricu programa, gospođu Ninu Gruber na sommerhochschule@univie.ac.at.

Ljubazno Vas molimo da predmetnu informaciju dostavite potencijalnim interesentima.

Unaprijed se zahvaljujem na Vašem trudu.

Uz izraze naročitog uvažavanja i lijep pozdrav,

Zamjenica Ambasadorice
HARDWICK, M.A.I.S., MSc
(elektronski otpravak)